



Hoërskool Marais Viljoen

Marais Viljoen High School



P/Sak/Bag X011, Alberton, 1450

h/v/c/o Bodmin & Cradock St, Alberante, 1449

www.maraisviljoen.co.za GPS: S26°16.643' E28°07.972'

(T): 011 907 9013/4 (F): 011 9071038

6 Maart 2020

Geagte Ouers / Voogde

OMSENDSKRYWE 3 (2020)

1. GRAAD 12-8STE PERIODE

Ons graad 12's het op Woensdagmiddae van 14:15 tot 15:15 en Donderdagoggende van 07:00 tot 7:40 ekstra klas. Tydens hierdie klasse gaan die personeel aan met die sillabus, m.a.w. dit is nie opsioneel vir die leerders om die ekstra klasse by te woon nie. Hierdie klasse is verpligtend. Ons doen 'n beroep op ons ouers om seker te maak dat die kinders by die skool is vir die ekstra klasse.

2. SBA'S

Neem asseblief kennis dat alle SBA's by die skool moet bly en nie huis toe mag gaan nie. Volgens departementele beleid moet alle SBA's altyd by die skool wees. Die leerders ontvang egter hulle SBA's nadat dit gemerk is en die memorandums word met hulle bespreek sodat moontlike foute in die merkproses reggestel kan word.

3. WISKUNDE EKSTRA HULPKLASSE

Ekstra Wiskundeklasse vir graad 8 en 9 word elke Dinsdag-, Woensdag- en Donderdagmiddag van 14:15 – 16:00 deur mev. Last in kamer 63 aangebied.

4. HULPKLASSE ALLE VAKKE

U word daaraan herinner dat alle personeel op Maandae van 14:15 tot 15:15 beskikbaar is vir enige hulp wat leerders in 'n vak benodig. Leerders moet asb. gebruik maak van die geleenthede.

5. SELFONE EN OORFONE

Selfone en oorfone mag glad nie op die skoolterrein of in die klasse sigbaar wees nie, ook nie tydens detensie nie – slegs pouse en na skool. Hulle moet te alle tye afgeskakel en weggepak wees. Leerders wat nie hieraan gehoor gee nie, se selfone en oorfone sal gekonfiskeer word en vir 3 weke in die kluis bewaar word. Die simkaart mag nie verwijder word voordat dit ingehandig word nie. Herhaalde oortreding kan tot die ontneming van die voorreg lei. Indien 'n selffoon of oorfone uit 'n sak val, is dit nie 'n verskoning nie.

Selfone en oorfone word op eie risiko skool toe gebring. Selfone mag nie in die klasse gelaai word nie. Neem asseblief kennis dat hierdie reëls ononderhandelbaar is. Indien dit 'n leerder se enigste wyse van kommunikasie is, moet die leerder en ouers self verantwoordelikheid neem en ander reëlings tref indien die foon gekonfiskeer word.

6. MIDDAE NA SKOOL

Neem asseblief kennis dat slegs leerders wat by die naskoolsentrum ingeskryf is en leerders wat sport oefen, in die middae op die skoolterrein toegelaat word.

Leerders wat vir hulle vervoer wag, moet by die wagarea by die Seegerhek wees.

Indien 'n leerder wil huiswerk doen of leer terwyl hy/sy wag, kan dit in kamer 11 gedoen word. Kamer 11 is 'n studeerlokaal na skool, daarom mag daar nie geëet, gedrink of gesels word nie.

Geen "boom boxes" word op die skoolterrein toegelaat nie. Dit sal gekonfiskeer word tot aan die einde van die jaar.

7. AFWESIGHEID

Indien 'n leerder afwesig was, moet hy/sy onmiddellik nadat hy/sy terugkeer skool toe, 'n brief, wat deur een van die ouers geskryf en geteken is, by die voogonderwyser inhandig.

Indien 'n leerder tydens 'n toets/ eksamen/ SBA afwesig is, moet 'n mediese sertifikaat die dag wanneer hy/sy terugkom, ingehandig word. Indien nie, sal 'n nul toegeken word.

Indien 'n leerder afwesig is, is dit sy/haar eie verantwoordelikheid om die werk in te haal.

8. AFWESIGHEID VAN BYEENKOMSTE

Indien 'n leerder veronderstel is om 'n byeenkoms by te woon, maar dit nie kan doen nie, moet die ouer se brief wat die saak verduidelik alreeds die dag **voor die byeenkoms** aan die voogonderwyser gegee word.

Slegs doktersbriewe sal die dag na die byeenkoms aanvaar word, geen briewe van ouers af nie.

Alle kaartjies wat ingehandig moet word vir byeenkoms bygewoon, moet die dag na die byeenkoms afgehandel word.

9. PULLOVER EN SWEETPAKBAADJIES

'n Pullover is vir elke seun verpligtend. Indien 'n leerder nie sy pullover dra nie, mag mev. Heystek, Dr. Krause en mnr Müller vir die leerder 50 strafpunte gee.

Ons is baie trots op ons skooldrag. Sweetpakbaadjies is nie deel van ons skooldrag nie. Dit mag slegs op ondersteunersdae gedra word of as deel van die sweetpak vir sportdoleindes. Ons vra u hulp in hierdie verband om seker te maak dat die leerders nie die sweetpakbaadjie as 'n reënjas gebruik nie. Indien dit reën, moet 'n sambrel gebruik word.

10. D6-REGISTRASIE

Ons wil graag die meerderheid van ons ouers bedank wat alreeds op D6 geregistreer het. Slegs 'n handjievol ouers moet nog regstreer en ons doen 'n beroep op hulle om dit so gou as moontlik te doen, aangesien ons binnekort hoofsaaklik op hierdie manier met u gaan kommunikeer.

11. WEDSTRYDE

Volgens die regulasies mag slegs die “medics” op die veld gaan wanneer ‘n speler ‘n besering opgedoen het. Dit is slegs in uitsonderlike gevalle waar die afrigter of enige iemand anders op die veld toegelaat word.

Neem asseblief ook kennis dat ons leerders altyd in hulle skooldrag sportbyeenkomste bywoon. Spelers trek ook na hulle wedstryde weer hulle skooldrag aan, want ons is trots op ons skool en uniform.

12. EERLIKE LEERDERS

Ons wil die volgende leerders bedank vir hulle eerlikheid: Shevan Edwards, Unathi Shelako, Reabetswe Mothabi, Julian Klöpfer, Caitlyn Nash, Jonathan Grové, Tiaan Erasmus, Blake van Niekerk en Tyler Oosthuizen wat onderskeidelik selfone, klere en ‘n sakrekenaar opgetel en ingehandig het. Baie dankie!

Vriendelike groete

**MARTIE HEYSTEK
SKOOLHOOF**

LEIER IN VOLLEDIGE OPVOEDING